


905178



J. F.
DE

Fe

ECCLESIA
GRÆCORUM VETE-
RI AB HÆRETICIS DIVERSIS
gravissimè afflcta,
IN ACTU VIRLINGIANO
GYMNASII MAGDALENÆI

d. 3. Martii,

1678.

hora 8. matutina

Dissertationes

habendas

indicit

M. JOHANNES FECHNERUS.

WRATISLAVIÆ,

In Hæredum Baumannianorum Typographia
exprimebat Godefredus Grænder.

LeCtor ben Igne,
gratia & paX DeI te serVet tVtVM.

Ræciam veterem, ac in eâ potissimum Civitatem Atheniensium, quæ ob præcellentiam suam ab Euripide Tragico apud Athenæum Diphysostam scitissimè Ἑλλὰς Ἑλλῆς, Græcia. Græciæ nuncupatur, suisque Disciplinarum Liberalium matrem & propagatricem fœcundissimam, neminem Eruditorem latet. Hæc enim quam plurimos fovit produxitq; Sapientes, qui posteritati consultum cupientes ingenia & studia sua, ut Plinii Senioris utar verbis, rem fecerunt publicam, Artesq; suas monumentis litterariis commissas. Orbi universo liberalissimè communicârunt. Nempe Atticum illud Astu, seu Oppidum totius Græciæ primarium, & alterum juxta Spartam ejusdem ὀρού, à statuis frequentissimis Minervæ, quam Græci Αθηναῖς vel Αθήναις vocarunt, inibi locatis consecratisq; hoc nominis indeptum, per omnes mundi oras sapientiæ suæ deduxit colonias & fertiles litterarum humaniorum traduces propagavit. Eapropter à Diodoro Siculo Bibliothecæ historicæ conditore clarissimo πάντων αὐθεόπιον παῖδες τηγανον, omnium hominum schola, non falso fuit appellata. Fuere quidem aliæ quoque Nationes, quas mysticæ Sapientiæ fama per Orbem claravit. Celebrantur Ægyptiorum Sacerdotes, Persarum Magi, Assyriotum Chaldæi, Indorum Gymnosophistæ & Brahmani, Celtarum Barditæ, Gallorum Druidæ, Illyricorum Sammonii, & aliarum gentium hujus farinæ sapientes. Sed quia uidem per scripta in lucem publicam emissâ populis legendos.

905178

II

dos se non præbuerunt , exterosque sapientiæ suæ arcanae facere participes renuerunt , Lethéa oblivio scientiæ ipsorum vestigia à tergo delevit , aut si qua adhuc restant , in Græcorum Philosophorum monumentis ad postero transmissis restant.

Sanè Pythagoras ex hieroglyphicâ Ægyptiorum Sapientiâ , tanquam picturâ loquente , non pauca in suum traduxit Lararium , uti ex Symbolis ejus , vel Gnomis allegoriciis verè aureis luculenter appetat . Inter alia dogma illud monstruosum de μεταψυχώσι , vel transmigratione animarum è Græciâ Magnâ sive Calabria superiori , non in universam tantum terram Italiam , sed in Asiam quoque & ad extremos usque Indos ac Gymnosophysas penitrat . Horum enim posteri Bramini dæmonum mystagogi paganis illic degentibus persuaserunt , animas hominum mortientium in bruta animalia , & bonorum quidem in mansueta ; pecora , jumenta , præsertim boves , quos superstitione venerantur ; nec non aves domesticas & oscines , pisces item innoxios ; malorum verò in feras bestias , lupos , tygrides , crocodilos , serpentes , bufones & similes commigrare . Idcirco Beniani , & Jenitivi aliique dæmonicolæ , qui vel in Malabaricâ , vel Malaicâ orâ extima & in mare procurrente habitant , vel Interiori in Indiâ , in Bengalâ , Colconga , aliisque Regnis , quæ Magno Mogoli parent , vel tributa pendunt , passim reperiuntur , ab eis carnium & cæde brutorum quorumvis , etiam noxiorum & insectorum vilissimorum prorsus abstinent ; uti Itineraria illorum , qui terras istas orientales penitus perlustrarunt , affatim contestantur .

Notum est Platonem Academiæ eruditæ fatorem & statorem non Ægyptios tantum, sed & Phœnices ipsorumque vicinos Hebræos per vestigandæ Sapientiæ arcanae causa adiisse. Certè ex Mose & Salomonis sententiis hauisse eum multa, & in Libros suos derivasse, Viris eruditis, qui Philosophi hujus Divini cognomine celebris, monumenta relicta perquisitè evolverunt, satis est exploratum.

Aristoteles verò è Lycéo vel Peripato suo progressus, totum Orbem eruditum perambulavit, & in cathedras ordine recto & perspicuè philosophantium dudum receptus, etiamnum Disciplinas liberales publicè docet. Nemo enim ex novitiis Philosophis aptiorem ad docendam Sapientiam humanam methodum hactenus invenire potuit. Proinde si non ubique in docenda & discenda Philosophia dogmatica dux adhibendus, comes tamen commodus esse potest, & sic ubi à tramite recto aberravit, (non enim in omnibus, Physicis præsertim Acroamatis, satis oculatus fuit, ut experimentalis rerum cognitio demonstrat,) in viam comiter revocandus est & corrigendus. Frustra igitur Gassendus, Helmontius, Cartesius aliique novarum opiniorum promi-condi Philosophiam Peripatericam, tanquam sophisticam & futilem, suis obtrectationibus ubique ejectedam prostratamque cupiunt. Ipsi enim in diversas à se invicem discedunt sectas, ut nescias, cui te addicere debeas.

Quid jam memorem de Historicis, de Oratoribus, de Poëtis Græcorum, quorum opera vel integra, vel eorum lipsana & fragmenta manibus nostris teruntur? Nonne illa Articam antiquitatem & omnigenæ eruditioñis & elegantiæ flavissimam residuam, tanquam hæreditatem lautissimam nobis exhibent possidendam?

Verum

Verum non tantum litterarum humaniorum , sed Religionis quoque Christianæ propagatrix sedula fuit Græcia . Ipse Deus benignissimus hominum Servator , amplissimam Græcorum nationem tanto præ cæteris gentibus cumulavit munere , ut salutiferam Novi Testamenti ^{Διαγνώσην} , & Evangelium de JESU Christo Redemptore hominum omnibus in Linguis vivâ voce prædicatum , non nisi Græco Idiomate ab Apostolis divino afflato impulsis perscribi curaverit . Eo namque tempore , quo Filius DEI unigenitus in carne apparuit , omnibus in Provinciis , Romano Imperio subjectis Græcus sermo receptus totum penè Orbem non peragraverat modò , sed & insederat . Ita singulari Numinis divini ope Doctrina salutis tantò facilius generi humano se insinuavit . Apostoli natione erant Hebræi : sed ad Hebræos non hebraicè , nec ad Latinos latinè , sed Græcæ in lingvâ Epistolas exarabant . Ac Græca quidem Ecclesia ab Apostolis , imprimis D. Paulo Gentium Doctore ex semine Verbi οἰεῖπος plantata , à Presbyteris sanctis largiter rigata , & à DEO ipso cælesti benedictione oppidò repleta , ὑγιάνθου διδαχὴ primitus puram & illibatam custodivit , & ethnica superstitione repudiata , pomœria sua longè latèque extendit . At Satanæ capitalis Christi & Christianorum hostis maturè inter semen bonum Zizania sua sparrit , & Apostolis jam vitâ exemptis , ex ipsis eorum discipulis suscitavit viros quosdam ^{διεργαμμένα} loquentes , ut in Partes suas pereraherent plures , sicut D. Paulus prædixerat . (Act. 20. v. 30.) Tales fuere Ebion , Cerinthus ac similes Diaboli primogeniti , qui vivente adhuc D. Johanne Theologo , novas & scriptis Apostolicis adversantes opi-

niones Ecclesiæ obtrudere allaborabant. Ac primarium, quidem Religionis Christianæ caput de Personâ Christi nefariè infestabant: Alius Salvatoris Divinitatem, alius veram ejus Humanitatem negabat. Cumque post truculentissimas persecutiones, imperante Constantino Magno, Ecclesia ab externis hostibus & Tyrannis quietem nacha esset & incrementa caperet, idololatris in angustias pagorum (unde paganorum ortum nomen) redactis, non quietit Satanás, sed dissidia & discidia inter Episcopos & Doctores, à quibus Religio Christiana mirè & miserè fuit convulsa, suscitavit.

Inprimis Arius (Αριος) hæresiarcha pestilentissimus contra orthodoxos insurrexit. Hic Filium DEI Patri æternō ὁνοματον, essentiā æqualem esse blasphemè negavit, abusus pessimè ipsius Salvatoris enunciato, quo dixit: Pater me major est: (Joh. 14. v. 28.) Unde perversissimus impostor subdolè collegit, Filium Patre esse minorem & creaturam. (Theodor. l. 7. H. E. c. 11.) Consopita quidem fuit hæresis hæc in Synodo Nycænâ, & Filii DEI Majestas validè adserita, sed consopita dundaxat. Nam sub tripartito filiorum Constantini M. Imperio, præsertim sub Constantio, qui partes Arianorum fovit, denuò ex cinere doloso emersit secta hæc damnata, oppressis per sycophantias orthodoxis Episcopis & exilio multatis. Cumque malum hoc pestiferum per totum Imperium, ut torrentissima eluvies se diffudisset, non falsò tunc dictum fuit; miratum esse mundum, se tām subitò factumesse Arianum. Sicuti verò dato uno absurdo, plura sequuntur: Ita ex sectâ Arianicâ furor Antitrinitariorum erupit. Photinus enim Christum

Christum non esse D E U M , sed hominem tantum. ,
ore blasphemō dictitabat: Cui succenturiatam quasi præ-
stans operam Macedonius , Spiritus Sancti Divinitatem
negavit, Excisæ deinceps hæreses istæ fuerunt in Concil-
lio Ephesino & Chalcedonensi : Sed ex radice præt̄a , præ-
ter Nestorii & Monothelitarum errores , propullulavit
schisma illud diuturnum , de Processione Spiritus S. quod
etiamnum miseræ illæ Græcorum reliquæ , jugo Mahume-
tico pressæ mordicus retinent. Nam contra diserta Sym-
li Nycæni verba dicunt , Spiritum S. non à Patre & Filio ,
sed à Patre per Filium procedere , uti apparet ex Synodo
altera contra Cyrillum Lucarim sub Parthenio Patriarchâ
An. 1642. habitâ , (V. Felav. Præfat. in Enchir. de statu ho-
dierno Græc. Christ. Christoph. Angeli.

De intestinâ hâc calamitate Ecclesiæ Græcæ præsertim
veteri ab hæreticis inflicta in Actu Declamatorio , qui Vir-
lingianæ memoriæ recolendæ gratia hoc tempore haberi
solet , die crastina , DEO adjuvante , disserere constitui :
Quod Uobis, Patroni Ⓛ *Fautores Litterarum submissè* Ⓛ
officio sè honorandi, insinuandum duxi, enixè rogans, ut cras
horâ 8. ante meridiem Acroaterium nostrum Magdalensum
invisere, Ⓛ *operam auricularem mihi* Ⓛ *discipulis meis di-*
cluris adhibere dignemini. Ego vicissim ipsis observantia
officiosæ voluntatis studia, qualia quidem à me tenuitate
proficiisci possunt, promitto. Prop. publ. postridie Calend.
Martii. Anno reparatæ Salutis, quo meritò precamur,
Gratia Ⓛ pax Dei tktos Ⓛ In ColVK Mes nos serket.

Dicent

Dicent

I, Preceptor, Generatim, Sermone Graco eoque succineto, de Gracorum Ecclesia veteri diversis ab Hereticis miserè turbata & lacerata:

II, Discipuli, Speciatim & distincte de eadem Materia,

3. Ex Primanis

3. Expositivè, Christianus Gutsbier / Ligniciensis, &
Johannes Christianus Eckhardus, Witebergensis.

2. Narrativè, David Titius, Posonio-Pannonius, &
Johannes Caspar Nimptsch/ Bernstadiensis:

3. Comparatè (Gracè) Paulus Jenichius Lauba Lusatius.
Singillatim, Carmine Heroico, de Constantini M. in opprimendis tyrannis
fortitudine & heresibus, præsertim Ariana, convocando Concilium Episcoporum pietate.

Johannes Christophorus Sigismundus MVndI, VratIs LaViensIs.

2. Ex Secundanis, recitaturi excerptia ex Historia Ecclesiastica Nicephori de
Heresarchis quibusdam,

1. De Ebione, Samuel Grosser/ Olsnensis,

2. De Cerintho, Benjamin Bartsch/ Hainoviensis.

3. De Ario, Johannes Christophorus Burckhardus, Wratislaviensis, &
Carolus Henricus ab Aleman/

4. De Photino, Georgius Christianus Kræschelius, Strelenensis, &
Johannes Christianus Gasto, Winzigiensis.

5. De Macedonio, Sigismundus Hahn/ Svidnicensis.

3. Ex Tertianis, pronunciaturi Symbola orthodoxie heresibus opposita.

1. Nicenum, Johannes Christophorus Albinus,

2. Athanasium, Johannes Gottlieb Frimelius & Johannes Jancke/

3. Chalcedonense, Johannes Georgius Blischky/

4. Determinationes Synodi Ephesinae, Henricus Hache/ omnes Wratisl.
Coronidis loco precatiunculas quasdam selectas ex eis, quas B. Franciscus
Virlingius, Mattha Pater Diaconus quondam Aedis sacrae Mario-
Magdalenea preclarissime meritus, Capp. Biblicorum Lectioni-
bus, speciatim Epistolis ad Corinth. subjecit, recitabunt.

Johannes Urbanus Hulst/ Georgius Ferdinandus Brückner/

David Nieblung/ Johannes Fredericus Mittmann/

Wratislavienses.

